



Adresa: **UI.H.Čemerlića 39A**
71000 Sarajevo
<http://www.voda.ba>

tel. +387 33 726 444
fax. +387 33 726 423
e – mail: info@voda.ba

Broj: **UP-1/21-1-40-361-5/26**

Datum: **24.08.2026. godine**

«Agencija za vodno područje rijeke Save» Sarajevo, rješavajući po zahtjevu pravnog lica "ENERGOPETROL" d.d. Sarajevo, za donošenje rješenja o prethodnoj vodnoj saglasnosti za rekonstrukciju hidroinstalacija benzinske pumpe „ENERGOPETROL“ – PJ Vogošća, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o prethodnoj vodnoj saglasnosti**

1. Pravnom licu "ENERGOPETROL" d.d. Sarajevo, daje se prethodna vodna saglasnost za rekonstrukciju hidroinstalacija benzinske pumpe „ENERGOPETROL“ – PJ Vogošća, izgrađene na zemljištu označenom kao k.č. broj 1866/3 K.O. Vogošća, općina Vogošća, a u postupku dobijanja urbanističke saglasnosti i okolinske dozvole.
2. Prethodna vodna saglasnost može se koristiti isključivo za potrebe izdavanja okolinske dozvole, urbanističke saglasnosti ukoliko nije potrebna okolinska dozvola i u postupku izdavanja koncesije na vodama i vodnom dobru ukoliko je isto predviđeno zakonom o koncesijama.
3. Ova prethodna vodna saglasnost ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
4. Prethodna vodna saglasnost se daje na osnovu pregleda dostavljene projektne i druge dokumentacije, utvrđenog činjeničnog stanja i pod sljedećim uslovima:
 - 4.1. Da Investitor obezbjedi izradu i reviziju projektne dokumentacije rekonstrukcije hidroinstalacija predmetne benzinske pumpe sa tehničkim rješenjem sistema za prikupljanje, tretman i ispuštanje otpadnih voda, na nivou Glavnog projekta. Investiciono-tehnička dokumentacija treba biti urađena od strane pravnog lica koje ima ovlaštenje (lista «A») pribavljeno od strane Federalnog ministarstva poljoprivrede, vodoprivrede i šumarstva, a koja treba da obradi sva pitanja definisana članom 5. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine F BiH», broj: 31/15, 55/19, 41/20 i 63/22) koja su bitna za konkretan slučaj, a naročito:
 - Proračun potrebnih količina voda za namjenu predmetne benzinske pumpe (potrebne količine sanitarne vode, potrebne količine vode za pranje manipulativnih i saobraćajnih površina i sl.);
 - Proračun kvantitativnih i kvalitativnih karakteristika otpadnih voda sa predmetnog lokaliteta, pratećih objekata, saobraćajnih i manipulativnih površina;
 - Tehničko rješenje sistema za prikupljanje, prečišćavanje i ispuštanje otpadnih voda sa predmetne lokacije sa potrebnim proračunima i tehničkim opisom sa definisanim načinom i mjestom ispusta prečišćenih voda u recipijent;
 - Definisanje krajnjeg recipijenta i podatke o prijemniku prečišćenih otpadnih voda;
 - Posebno obraditi način prihvatanja, skladištenja i pretakanja naftnih derivata (rezervoare, pretakališta i dr), vodeći računa o primjeni mjera za prevenciju i smanjenje negativnog uticaja istih na podzemne i površinske vode;
 - Na preglednoj situaciji prikazati cjelokupan lokalitet sa planiranim objektima (poslovni objekat, rezervoare, pretakalište, manipulativni i parking prostor, uređaj za tretman oborinskih onečišćenih voda i dr.);
 - Dati osnovne podatke o recipijentu, sa detaljem ispusta prečišćenih voda u isti. Lokalitet ispusta prečišćenih voda mora biti naznačen na situaciji adekvatne razmjere, kao i mjesto vršenja monitoringa prečišćenih voda (okno za uzimanje uzoraka);

- Tehničko rješenje za monitoring i način monitoringa ispuštenih otpadnih voda;
 - Projektnom dokumentacijom sagledati sve moguće neželjene uticaje kako na planirani objekat, tako i uticaje planiranog objekta na druge objekte i postrojenja, stečena prava korisnika, postojeću infrastrukturu, naselja i sl. i dati prijedlog mjera za uklanjanje odnosno ublažavanje tih utjecaja.
5. Usvojenim sistemom prečišćavanja otpadnih voda mora se obezbjediti kvalitet efluenta u skladu sa propisanim graničnim vrijednostima emisije u prečišćenoj vodi, u skladu sa Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20, 96/20 i 1/24).
 6. Pri izradi tehničke dokumentacije pridržavati se uslova iz Urbanističke saglasnosti, zakonske regulative vezane za ovakvu vrstu radova, ekološko-ekonomskih zahtjeva te pravila struke i nauke.
 7. Investiciono-tehnička dokumentacija mora biti urađena na nivou projekta za pribavljanje odobrenja za građenje te u skladu sa uslovima iz ove prethodne vodne saglasnosti i uslovima ostalih nadležnih organa ukoliko isti nisu u suprotnosti sa uslovima iz ovog Rješenja.
 8. Zahtjev za izdavanje vodne saglasnosti dostavlja se u skladu sa članovima 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata.
 9. Uz zahtjev se između ostalog prilaže:
 - Revidovana Investiciono-tehnička dokumentacija urađena u skladu sa uslovima iz tačke 4. dispozitiva ovog Rješenja.
 - Rješenje o urbanističkoj saglasnosti za rekonstrukciju i okolinska dozvola.
 - Dokaz o izvršenoj uplati upravne pristojbe u iznosu od 60 KM.
 - Rješenje o prethodnoj vodnoj saglasnosti za zahvatanje vode i ispuštanje sanitarno-fekalnih otpadnih voda, izdato od strane nadležnog Kantonalnog Ministarstva.
 10. Ova prethodna vodna saglasnost prestaje važiti nakon isteka 3 (tri) godine od dana njenog izdavanja ukoliko u tom roku ne bude podnesen zahtjev za izdavanje vodne saglasnosti, a ista se može izmijeniti u skladu sa članom 130. Zakona o vodama.
 11. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.

O b r a z l o ž e n j e

Pravno lice "ENERGOPETROL" d.d. Sarajevo pismenim putem obratilo se ovoj Agenciji sa zahtjevom za donošenje rješenja o prethodnoj vodnoj saglasnosti za rekonstrukciju hidroinstalacija benzinske pumpe „ENERGOPETROL“ – PJ Vogošća, izgrađene na zemljištu označenom kao k.č. broj 1866/3 K.O. Vogošća, općina Vogošća, a u postupku donošenja Rješenja o urbanističkoj saglasnosti za rekonstrukciju benzinske pumpe.

U provedenom postupku dostavljena je i pregledana slijedeća dokumentacija:

- Ovjerena kopija Rješenja o izmjenama podataka u sudski registar Općinskog suda u Sarajevu, kod subjekta upisa "ENERGOPETROL" d.d. Sarajevo, broj: 065-0-Reg-25-005352 od 12.01.2026. godine;
- Ovjerena kopija Obavještenja o razvrstavanju pravnog lica prema klasifikaciji djelatnosti, Služba za statistiku za područje Kantona Sarajevo, broj: 07-32.5-78563/19 od 14.01.2026. godine;
- Kopija zemljišnoknjižnog izvatka, broj: 065-0-NAR-26-008044, ZK uložak broj: 73, K.O. Vogošća;
- Kopija katastarskog plana, K.O. Vogošća, broj plana: 16, UP BROJ: 08-26-162/2026-2 dana 29.01.2026. godine;
- Studija za prethodnu vodnu saglasnost za rekonstrukciju hidroinstalacija benzinske pumpe ENERGOPETROL u naselju Vogošća, općina Vogošća, urađena od strane „TZI-INŽENJERING“ d.o.o. Sarajevo, januar 2026. godine (dva primjerka);
- Dokaz o uplaćenju upravnoj pristojbi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama o zahtjevu je dana 29.07.2026. godine javnost obavještena objavljivanjem obavještenja na oglasnim pločama „Agencije za vodno područje rijeke Save“ Sarajevo, te dana 30.07.2026. godine u dnevnom glasilu „OSLOBOĐENJE“. U datom roku nije bilo pisanih izjašnjenja o predloženim aktivnostima iz zahtjeva.

Na osnovu uvida u dostavljenu dokumentaciju i Studiju utvrđeno je sljedeće:

Postojeća benzinska pumpa „ENERGOPETROL“ P.J. Vogošća, izgrađena na zemljištu 1866/3 K.O. Vogošća, općina Vogošća, se planira rekonstruisati.

Na predmetnom lokalitetu se javljaju oborinske onečišćene vode, koje će se prikupljati putem dva slivnika, koji se planiraju sanirati i dovesti u funkcionalno stanje. Sve prikupljene vode će se odvesti do mjesta primarnog tretmana - tipskog separatora nafte i naftnih derivata sa koalescentnim filterom. Nakon tretmana, prikupljene vode će se preko okna za monitoring odvesti do priključka izvedenog na kolektor oborinskih voda, prema saglasnosti operatera KJKP „VIK“ d.o.o. Sarajevo.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su ovim vodnim aktom, u tački 4. dispozitiva rješenja, shodno odredbama Zakona o vodama, odredbama Pravilnika o sadržaju, obliku, uslovima i načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije propisani uslovi koje je Investitor dužan ispuniti prilikom izrade projektne dokumentacije, a koja će Investitoru biti potrebna u postupku pribavljanja vodne saglasnosti i odobrenja za građenje.

Na osnovu prednjeg i provedenog postupka, a shodno odredbama člana 111. Zakona o vodama i člana 5. Pravilnika o sadržaju, obliku, uslovima, načinu izdavanja i čuvanja vodnih akata, doneseno je rješenje kao u dispozitivu.

Podnosilac zahtjeva je uplatio upravnu pristojbu u iznosu od 80 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,00 KM takse, prema tarifnom broju 3. Tarife federalnih administrativnih taksi.

Voditelj postupka: Aida Bezdrob, dipl.ing.građ.

Po ovlaštenju
Rukovodilac sektora za izdavanje vodnih akata


Nihad Pezo, dipl.inž.građ.

- Prilog: Studija za prethodnu vodnu saglasnost za rekonstrukciju hidroinstalacija benzinske pumpe ENERGOPETROL u naselju Vogošća, općina Vogošća, urađena od strane „TZI-INŽENJERING“ d.o.o. Sarajevo, januar 2026. godine (jedan primjerak).

Dostaviti:

- „ENERGOPETROL“ d.d. Sarajevo, ul. Azize Šaćirbegović broj 4b, 71000 Sarajevo (Prilog)
- AVP Sava, ISV-vodna knjiga
- Org.jed. 40 – arhiva
- Oglasna ploča AVP Sava